

銅鼓書常遺稟

銅鼓書堂遺藁卷二十二

宛平 查禮 恂叔

丁酉

松岡元日

龍飛四十二年春

用家初白句

萬里天涯一个臣旭日初高輝

雪嶺寒雲半解露松筠頻籌時事宜師古老著征衣不喜  
新乍聽營門簫鼓奏權呼聲裏走蕃民

人日得書農札卻寄

春風吹巖壑料峭入樓扉有客隱几臥境靜涵清機陽氣  
動鄒律茵榻延晴暉亂猿倚樹叫好鳥巡檐飛天涯故人  
書一紙到征幃道是數載閒軍旅相因依中懷似膠漆嘯  
詠興無違自從歸去來中情每悵離君思我如此我思君

可知君歸我不歸憶別徒爾爲今日是人日獨酌酒一卮  
徘徊感時節彈琴寄音微

雪後登松岡寨絕頂望遠

百尺礪依霄漢閒春風一例到諸蠻白頭愛放登臨眼看  
盡松岡雪後山

元夕松岡

不覺又元夕春光覺漸增天空雲影澹山靜月華升鼓角  
喧蕃寨然松勝錦燈濁醪憐薄醉高檻爲誰憑

檄調梭木宣慰司卓克采松岡二長官司三處土  
兵

握算擒狡賊兵至賊先走何人泄密機我欲執其咎亟當  
潛偏之弗使伏誅後銳進宜熟籌一舉定獲醜或賞以幣

帛貌感向我受或諭以甘言性猾知我誘不如擁重兵逢  
原取左右轟然張吾軍克期獻賊首因調三土司檢練弓  
弩手合數計四千自足備攻守維時春氣融節候屆九九  
興戎非漫然戒行勞牛酒

聞陸赤南於花朝後放舟歸丹陽

一棹還山去知心萬里東計穿巴峽水好借落花風待結  
松陵社還稱桑苧翁白頭驚聚散鄉思渺雲中

二月十二日統兵發松岡

春風靄靄上旗旌茶火軍容整隊行莫謂談兵須肄武從  
來名將半書生

柳條弄影野蔬香二月蠻陬氣向陽一嶺桃花紅不斷此  
閒未必算窮鄉

山入羌原日月低北來步步陟層梯前軍西去斜陽冷金鼓聲中馬亂嘶

宿格登漢

路轉羌寨閒土地盡燒塙荒坡少雜苗惟聞水激搏遠林叢且深永斷樵斧斲境靜無煩喧時有飛鳥啄巖泉在穴清下流已溷濁孤雲自去來可近不可捉我馬行草中俯仰獨踟躕何處一聲笳殘陽溜山角

陟旻鵠山是夜宿山椒

松岡春漸融溪花次第開朔野春尚淺仍睹草木衰岩岩旻鵠山積勢高竊鬼策馬緩轡上坡峻馬易飢窮岫滯雲影深澗黏枯苔飢飈互奔竄亂鴉羣去來峯巔颺力緊寒氣相侵摧急下一二里結營山之隈山隈有蕃寺梵語因

風回瑟瑟響法鼓夕霧沈空臺客行倦就宿藉草無煙埃  
夜靜不成夢殘月流荒垓

曉下旻鵠山

是日花朝

侵膚山氣冷上馬復添裘曉日冒千嶺春雲霾一溝此閒  
人少至何事我偏遊錦里鶯花節因之起別愁

登業嘉山眺遠

昨宿蠻溪側潺湲一夜響水聲入夢清忘卻勞塵鞅破曉  
陟茲山天風吹浩蕩山勢陡且雄巍峩數百丈策馬之字  
行盤旋越榛莽未足快幽尋何自獲奇賞絕頂試一登坐  
嘯如平掌旣攄過客情更見川原廣隴雲收遠睇徘徊任  
俯仰前途促據鞍顧影發慨慷

宿巴爾達山麓

歲月靡安居，遑顧桑榆景。王事賦載馳，具臣力勉黽。經行兩日程，寂歷非人境。了無羌蕃寨，但見彌漫嶺。山閒土瘠薄，叢叢翳榛梗。征夫走北邊，春飈淒以冷。老鶴摩天驕，野火燒地猛。羊角搏扶搖，捲煙上霄冥。喟然望長川，夕陽明返影。投營卸鞍馱，昏黃亂山暝。

曉發出松岡界入下果羅克土境

凌寒起喚東，晨裝馬上微吟任。短長春嶺斷雲千尺練，曉天殘月徧山霜。何年設險仍連蜀，往歲驚馳枉破羌。老去不知行役憊，風旗獵獵鬢蒼蒼。

旃檀喇嘛寺

果夷之境多盜賊，禦人劫物人云黑。俗以良人爲白，人賊爲黑。數十年來積案繁，臨以官軍捕難得。我緣奉命采入巢，期待

成擒後朝食躡跡追飛按諸部豈竟聽爾爲鬼蜮峯回路

屢轉遙見禪宇丹試問寺何名其名曰旃檀旃檀寺最舊

黃教衆所安下馬亟趨視旛幢光斑斕香煙嫋蓮座梵唱

喧空壇斯寺宗乘自明肇再前蹤跡杳莫考貯以成永英

正憲成武正德四朝之敕印迄今三百餘載妙果莊嚴徹昏

曉道正統十年願賜印二顆二印俱法輪鈕象牙質慧曜

金軀七寶袞慈悲爲念稱鷓王佛其棲此愛蕃命烏可坐

視生民殃終朝默默氣不揚任爾盜賊紛陸梁諸佛低眉

無語有慚色拈花微笑意若嗔我狂自古天定勝人力我

欲人勝回彼蒼此去誓必鋤凶強歸時與佛校短長

歷下果羅克下阿樹二土百戶官寨

一寨復一寨相去十里遙人家不滿百雞犬皆蕭條壘土



作居室不似金川礪渴來思汲水渾濁無清漂百戶一盞  
長艱食腹常枵何由善蕃俗教民戒爲梟

歷中果羅克山閒

迷途殘雪裏谿徑半泥沙夕照驅歸馬天風緊暮鴉荒原  
無宿麥野樹少春花蕃寨看相近嗚嗚起亂笳

清明日卽事懷顧華陽觀察

亂草層坡野火焚馬嘶狐叫日斜曛春光不度荒山腹滿  
眼蒼茫盡古雲

風雨無休朝暮連羌原孤負踏青天江南此日旗亭酒山

水清音屬響泉

觀察去秋以病歸響泉其號也

野望

果土風候殊春朝若冬季川原漠漠荒時見太古意寨落

近水隈瓊廬無定次牛羊稀擾羣隴畝積冽氣山閒茁苔

古柏切音格

蔥色澤尚青翠

將廉切音尖

非亦叢生味皆入常饋

苔與鐵皆山中所產之野蔥非

穴鼠笑缺尾

草閒鼠小

沙狐訝插翅狐有肉翅

飛而種奇異產諸雅載未備野曠罕人蹤林薄禽所棄

酸飈號長晝生理將安寄

### 春夜王路溝營居

鐙前恆自哂邊末感離羣三月無芳草一春多暗雲鄉心

空夢繞客思爲詩分靜裏笳聲遠連營正駐軍

叉手微吟際茶鑪活火紅霧深還釀雪樹老獨攬風僻壤

夷情險荒山鬼語工月昏光不死掩映徼天空

終夕幾陰晴沈沈挾雨聲地窮蕃水亂天近雪山明遶帳

狐狸竄沿溪虎豹鳴忘身懷大義展卷一娛情

暮春塞上憶升菴

排空嵐霧曉霏霏大漠荒原草色微春老不聞鶉夜語山  
陰稀見蜨晴飛清明寒食忿忿過燕子梨花事事非想象  
升菴詩酒地竹籬茆舍耿餘暉

山閒貝母作花

滿目晴雲散水涯向陽坡草漸生芽春風幾日薰人暝山  
澤齊芳貝母花

側龍溝

寂寞無人鄉晝夜風雨簸蠻溝名側龍谿徑結坎珂積雪  
封四山牛羊不可過日暮移帳來沮洳窘坐臥晤對少客  
談唱成誰與和一夕吟一詩自慰還自課

渡鑿穆河

鑿穆之河亦何寬無梁無桴起三嘆時當夏首水已漲怒  
濤駭浪兼驚湍水中圓石如覆盾驅馬蹴流蹄不穩征人  
涉險落波心滅頂占凶難逃遯午餘畢濟始自辰三千士  
卒鮮漂淪是日墮水被淹者二人河伯擊鼓馮夷舞我畱一曲贈波  
臣

渡龍跨河

行行人與馬同飢龍跨河邊草不肥淺水危灘魚亂躍薄  
雲細雨燕初飛是日始見新燕兩山如峽猿聲斷半嶺通樵樹影  
稀回憶成都風景好浣花溪上幾時歸

歷上阿壩千戶土境宿草卓卡

一入阿壩境山勢多平連土地寬且腴青苗頗滋渥生齒  
亦紛繁風俗尙淳樸睢睢而盱盱渾沌泯知覺決皆無礙

觀衆嶺盡濯濯舉纛誰析薪牯糞代炊爆原馬夜長嘶風  
迴感寒朔瓊廬偈星娥殘宵動哀角

重至郎馱日照壩投曼陀喇嘛寺宿

禪關再叩隔三秋感我依然一白頭萬劫黑風吹夢幻幾  
回法雨灑空邱前期屢對當檐月此日重登彼岸樓莫道  
前緣未可續慣招彌勒笑無休

四月四日禁錮中果羅克酋長

果羅溝閒蕃僥盡爲寇酋長卽寇長寨寨納汙垢搜賊  
走四野徧覓不得邁因作挈領計擒首令自首又患賊勢  
衆或敢向我鬪誘之離其巢伏兵布前後白組繫檻中弗  
獲弗汝宥網雖三面開吞舟要難漏

十六日中果羅克擒獻四賊

我昨拘果會嚴令獻  
匪桎梏加其身  
鍵戶量而食  
剗切諭再三  
捕賊惟爾責  
黨惡罪實同  
爾心毋少惑  
爲期未半月  
今果獲四賊  
此皆

聖主威何與小臣力

行偕中翰寄詩見懷依韻和荅

八載徐諳邊塞情  
拙人處世敢邀名  
雪峯草地經行慣  
馬上吟殘一劍橫

晨煙夕靄亂山中  
磧冷沙荒極望同  
一種花開一種謝  
羌原久昵禿頭翁

樓居書懷

幽岑高寄託雲路  
更誰登老齒  
年年落新詩  
日日增夢狂  
羞似蜨心  
寂喜如僧  
天際鳥初沒  
徐看月漸升

羌人有饋馬者吟一絕示之

羌性貪而貴吏清

用後漢書張奐傳語

如何官此不希名縱教有馬

如羊衆我似江東一步兵

樓居絕無暑氣

一榻住僧樓連朝雨氣收

北邊每歲六月無雨

此閒無酷暑六月衣

重裘邊計傳青史臣勞分白頭野雲時在望高詠暫忘愁

六月十五日曉發曼陀寺午入卓克采土境

北邊倦行歷樓居時物遷今晨下樓去從此離徼天上馬

衝薄霧落月銜峯巔空濛曉色中亂水鳴濺濺過山遵僻

徑亭午臨溪壩西南道轉迴漠漠草盈川雲日相掩映泉

嶂交晴煙行行睹景物長歌申宿緣

土境上飲馬二水交匯處

一水從東來一水自北至二水匯此閒古未立名字僅云  
東支流經過大藏寺復云北支流遠發由草地莫知山脈  
由誰識水源始飲馬馬腹飢我悉悲鳴意吁嗟歷窮邊人  
亦如渴驥

出達爾溝憩巴爾康喇嘛寺

行役日以疲執鞭笑復歎賴有雲壑趣入險勞亦歡山偏  
林逾密溪陡流更湍暝色起邃谷霞光斂夕巒石棱徑轉  
惡老馬蹄四攢下坡無坦步感茲路漫漫遙見溝口寺風  
搖麻彌竿以藏經布爲旗俗呼爲麻彌竿小憩桑門外粥鼓鳴空壇

宿卓克采平樓

昨年殘臘我到此梯樓一宿歌勞止霏霏霜雪滿四山倚  
欄極目寒煙起石火光陰半載來兵旋馬返又登臺問君



金東隱先生詩集卷之二  
何事太奔逐白髮蕭蕭去復回去復回我馬頽老夫壯志  
終不灰憑高大叫傾百杯醉倒匡牀麴若雷

自北邊回至卓克采寄示淳兒成都

振旅闐闐返北陲眼明身健足忘疲平安兩字惟知汝險  
阻千端復告誰衰鬢不辭山躍馬老懷且喜日吟詩逡巡  
自笑童心在筋力終嫌異昔時

六十三生日

七九年華一瞬過沈吟往事悔居多歷官祇望能全璧閱  
世渾忘已爛柯心跡對人清似水時光欺老去如梭川西  
徼外休傷別高望持杯起浩歌

入維關

天設嚴關鳥道攀一峯壁立擁千鬟戍樓亂卷黃旗影極

目風雲吐納閒

七月十三日歸成都小息舊山軒

客歸涉首秋秋光媚幽院新涼薄我衣殘暑何勞扇舊山  
作良朋小憩勝遊醺檢我塞上詩滌我軍中硯感茲往復  
頻未免神魂倦齒落不再生頭白終難變爲時更幾何流  
光疾於箭

升菴獨坐

雨過苔階濕蟲吟三徑喧窗前燈未上客去夜初昏修竹  
迷深塹流螢逗短垣鄰鐘鳴幾杵幽思澹無痕

八月下旬舊山軒前盆梅忽著紅萼一朵作畫竝  
題

涼秋忽放首春葩片朵胭脂暈日斜香浥桂枝延雨榭冷

金盞卷二十二  
九  
欺菊藥逗晴沙一花影耀池中水五瓣紅分天外霞應爲  
索詩兼索畫新妝巧弄舊山家

九月十七日招同胡行偕中翰陳時若林軼千富  
察仲彥三觀察沈萊友涵九二太守楊閱度王韶  
九二大牧朱景韓徐達三徐匯川陳古衡四大令  
張仲謀夏東白二上舍及淳兒樞孫集升菴賞菊  
分韻得八庚二首

除掃出三徑幽期結舊盟籬疎秋自晚客至日初晴佳節  
黃花候勞人白髮盈相看共一笑樽酒若爲情

梨雨空前夢還堪餐落英斜陽侵座冷爽氣逼人清天淨  
經霜洗風高聽雁征空庭憐瘦影長短幾枝橫

展重陽招胡行偕中翰王廷和沈萊友二太守楊

闕度王東白二大牧朱景韓徐匯川王蔭干三大  
令姚裁庭秀才及淳兒樞孫集飲升菴賞菊分賦  
七古一篇限尤鹽徑職四韻

升菴之境羣稱幽升菴之詩頻唱酬一番雅集一番醉清  
樽復與黃花謀今年霑雨太無賴銀河滲漏芙蓉秋重陽  
節已去十日濕雲猶壓張儀樓檐流細垂搖瑟瑟盆菊無  
恙籬菊愁從知天生傲霜質因時亦須位置優此強彼弱  
豈異地離披使我感白頭吾儕聊爾敘少長誰得長在  
花閒畱避俗更作開口笑當筵款洽追盟鷗屐齒仍堪託  
苔徑楊家喬木遺名勝深閨有句怨朝陽夙昔詎此乘吟興  
往事回頭欲見難至今空聽鄰僧磬宦遊蹤跡我最奇何  
期舍館於斯定卻恐茱萸看不足爲展重陽醉無醒好客

何妨酒債

席中以菊三枝擊鼓分遞得花者添勸客全憑酒令嚴

傳花搥鼓博一笑兩手不

空非傷廉

鼓歇者飲閒有兩手俱得花者

詩情瑣碎談竝

劇或頻撚髭

或掀髯晝短夜長催秉燭樹杪徐見升寒蟾

久陰始覺月可愛

乍晴轉怯西風尖諸君磊落咸舊識事

今共藉稽古力偶因餘暇接懽場

當杯仍弗疎翰墨老羨

書香長子孫且喜聯吟暫在側

吾衰竊歎去日多如此風

光豈多得晚香爭放景易違

看到梅花惟瞬息良朋益友

貴賞心寧論尊卑一官職

相需畢竟有後先莫負殷勤寫

胸臆

寄懷陸赤南丹陽

天際扁舟一葉輕

蜀山楚水記歸程  
楝花風裏帆初卸  
楊

葉丹時節又更知

已何如錦里舊吟情  
應比練湖清我畱

塞上增惆悵未返蓬婆的博兵

得姪孫維城秋試捷音

我家有孫子所學未云足方期奮前修何期竟叨錄聞之  
喜不寐樂極反成哭汝祖歿已久未見汝匍匐汝父頗攻  
苦一生爲病東汝技偶一售書香幸可續從此憤樂兼雲  
路曷須卜老眼雙模糊寄言爲汝勸

灌口淘灘歌

深淘灘深淘灘截斷江聲冬水寒汰其沙礫舊有度高下  
毋得逾鐵柱遺法創自秦李冰後人宗之千百春工給官  
錢爲利民淘灘卽作堰咫尺路不遠畚鍤功易成年年在  
歲晚分水灌漑華陽田十四州縣多流泉從教蜀都號天  
府萬姓熙熙居沃土遍野藜藜擊社鼓

湔氏道上謠

湔氏道霜雪早岷江左右盡蕃民壤接松維連茂保冉駝  
夷俗畜牛羊青衣徼外西蕃遶羌兒羌女踏歌行唱到梭  
柳音亦好蕃俗有梭兒柳柳兒梭之韻音節頗爲悽惋冬日避寒冷下壩東走  
羣傭工春日回碛寨結伴還家乘東風冉駝夷地多寒盛暑反其色見後漢書西南夷傳七里花放香麥蕎方布種  
四時節序總不知終歲嬉嬉樂邱隴

雪中登松州七層樓

半郭江流半郭山七層欄檻倚煙鬟樓中白首頻登眺歲  
歲偏從雪裏還

長至前三日招同人集升菴送吳冲之學使還都  
分韻得二蕭

層颺挽駕兼旬飄錦城殘月明寒宵屋角黃梅萼新破香

氛馥烈侵疎寮爲報離人難久住轡軒復命趨還朝

五年在蜀一彈指采風攬歷岷源遙輪扶大雅稽往古玉

堂石室聲華昭青衣羌接湔氏道士獲僞選陋習消茂州屬龍

木長官土司之子何清寧拔入成均我結升菴住幾載吟塲圍坐燈頻挑招

攜同調人十二爲君錄別懽終朝籬陰校射飛羽急楸枰

對奕枯碁敲清音不用絲與竹座閒嘯詠勝笙簫秦章漢

印恣把玩壁展畫卷懸詩瓢晝短情長繼以夜酒酣不覺

霜隕霄成都太守肖摩詰吮毫潑墨神趣饒是日王審淵太守爲作升

菴錄別圖更殘耳熱黯離緒驪歌一曲回清飈計日行旌入雲

棧雪花迷眼山光遙魂銷夢繞兩相憶柴扉空聽馬蕭蕭

十二月十二日招胡行偕中翰劉純齋學使富察



仲彥觀察集飲升菴分韻得十一尤

幾載江源倦遠遊征塵撲暗舊貂裘故交作別情難遣

謂吳

沖之學使

今雨相逢興自幽

純齋初至蜀

雪裏梅花迎使節酒邊竹

影倚僧樓當杯入手休辭醉從此題襟好唱酬

銅鼓書堂遺藁卷二十三

宛平 查禮 恂叔

戊戌

元日試筆

薄霧氤氳曙色開  
錦城淑景逐人來  
忙中卻恨青山遠  
老去無驚白髮催  
漠漠蒼煙三徑草  
霏霏紅雨一庭梅  
兒孫羅列春筵下  
歲酒欣拈醉後杯

試燈日題畫梅

試燈風裏數枝橫  
幾處歌聲雜鳥聲  
唱到梅花春一剪  
離人多少故園情

正月二十八日招同劉純齋學使富察仲彥觀察  
集飲升菴看梅分韻得十藥

昔栽一樹梅清氣透簾箔樓指三年來春至每引酌近復  
補二株一紅一綠萼橫斜散疎影高下閒籬落接柯無醜  
枝啄藥多馴爵香同色不同幽情共澹泊亟招我良儔歡  
賞事如昨談笑豁襟期坐臥弛束縛興來擘蜀箋韻語借  
管籥逸思逐浮雲高懷欣有託竹外倚斜陽晚煙生漠漠  
安得殘月移瘦影寫林薄芳醕十百巡升降迭獻酢投轄  
醉無歸重城沸宵柝

徐匯川大令索畫梅竝題

一夜春風雪水流寒香冷韻解開愁滿園桃李無顏色只  
有梅花格自幽

題沈萊友爲胡振洲補寫蜀道行腳圖卷子

蜀道難蜀道難太白長吁復浩歎名利牽人輕險阻千秋

萬載誰辭艱之子何爲遠歷此無馬無驢愁躋攀石棧連  
雲脚重繭壓擔高低摩兩肩君不見擔囊徒走日幾輩幾  
脫名韁利鎖居寬閒五丁死金牛奔石角空抱劒門關蠶  
叢國杜宇天詩人蹭蹬吟雲山出門骯髒丈夫志宵輕良  
貴求遠官宵急濁富事執鞭青城之窟峩眉巔從此西去  
還翩然

送張仲謀上舍歸錢塘

八分工孔宙千首祖青蓮印史還教補

余撰有皇清摹  
印史一編仲謀爲

益印人舊

事十餘人詩碑更可傳

余素耽雙井老人書法  
近承惠殷長生詩碑

扁舟三峽

去歸夢六橋邊回首關山隔相思各惘然

周百川大令重新鄆筒舊井余爲題詩於桐花軒

鄆井已久塞百年無綆汲空思釀鄆筒一醉醱醱汁周侯

放衙餘慨此荒涼區鑿池更穿井築亭兼結廬我來夏入  
伏豁然爽心目軒窗試一臨頓消塵萬斛碧梧閒蒼松青  
翠紛修竹桐花鳳雖遙好鳥時往復吟情覺漸增欲去竟  
未能停雲灑疎雨煙暗夜然燈盡說宦遊好好事偏易了  
貴有去後思豈圖在醉飽

七夕招同胡行偕中翰沈萊友太守楊闕度王東  
白二大牧徐匯川大令及淳兒升菴小集分韻得  
牽字

歲時感荏苒離合暗推遷茲夕亦令節竹樹陰相連秋花  
已漸媚雅淡倩人憐勝友集三五呼兒爲開筵月出弦欲  
上銀河忽在天江湖感風波牛女喜靜便難知有無事良  
會人亦仙吾生嗟遲暮擬謝世網牽且作開懷飲免彼百

慮煎倘非唱和頻何能姓氏聯千載如一日一日可千年

己亥

春日升菴題壁

梅花開後又梨花幽境頻教向客誇易去光陰驚逝水尋

常聚散似搏沙詩人風雅傳新句余編升菴中歷年唱和詩近成五卷名曰升菴

雅集旅館年深感舊家異日不知誰念我無須壁上倩籠紗

升菴之地護國寺右偏之梨樹竹園也余去後則宜仍歸僧院故云

狀元坊有序

成都南城護國寺右楊文憲故居也舊名狀元街寺有殘  
碣可考其後別遷其蹟遂湮余假館於是旣因初地爲升  
菴而彈指七年良辰半耗於西徼未遑更新其遺蹟近將  
去此爰命淳兒爲修是坊以感文憲之遠謫且補蜀志之

所闕云

坊爲邑里名亦因人所揭碧雞載杜詩古未詳其說遠近  
訪遺蹤考據尋殘碣何期劫灰餘文憲不泯沒於斯結升  
菴旅居延歲月雅集旣頻仍詩人多秀越吾衰老矣夫黎  
花笑白髮雪塞累往還屈指經倏忽何堪此棲遲官廨聽  
傾折因擬舍之去非關歸思切念茲夙昔緣慨然感英傑  
遺蹟更須培以仰先賢節呼兒選良材柱石資表揭成  
都百二坊無妨一補綴

淳兒赴都引

見因攜樞孫歸應童試

卽事知余老迢遙念故鄉兒今遷牧守孫復喜成章劔閣  
將雲去薰風入夏長臨岐饒別思骨肉異尋常

蒙 恩遷授蜀臬恭紀

從軍搜賊歷窮邊久不親民宦跡懸

聖主卹刑寬四海微臣戴德近三遷囊餘風雪蠻中記

詩續山川劔外緣清夜自思還自愧無才安得遂無愆

西域行

有序

蜀之西南土司凡百有餘其瞻對一部分上中下均襲長  
官司職而蕃民素悍時出爲盜與西北路之三果羅克跡  
相似焉乾隆乙丑果毅公策制軍威信公岳軍門奉命  
勦伏未裂其土於後盜風復熾今年五月乃至裏塘宣撫  
土司所屬熱寨之麻塘寺殺斃蕃僧焚毀佛宇剽奪一切  
經文制軍奏禮往按其事遂檄調與賊環境之德爾格  
忒宣慰各土司十六部落土兵萬餘以威西域之行  
蜀之西南風土惡因委羣蕃爲部落土司擁衆固自雄職



授長官不爲薄豺狼成性瞻對疆其地蕃民慣剽掠昔年  
奉命走二公提兵深入事搜索分明號令如雷霆馴則  
縱之狡則縛彼衆授首前致辭謂今以後宜檢約獸類安  
得復人心侵尋乃更肆暴虐今年仲夏入裏塘佛法無靈  
僧氣弱梵宇隨煙經卷焚可憐焦土堪羅雀似此烏能容  
緩誅飛檄徵兵俟裁度嗚呼好殺豈天心蠢爾無良孽自  
作

八月八日奉檄出成都緝贍對劫賊

西指魚通舊可尋蕃憑三窟驟難擒漫言出塞歌還壯又  
陟遐陬秋正陰事不避艱原素性身無求逸本初心從茲  
奉檄登程去日有新詩馬上吟

由藍橋至簇橋作

纔過藍橋又簇橋夕陽影裏馬嘶驕白頭白盡氏羌地又  
向氏羌食苦苜

題邛州行館壁寄葉大牧

離合洵有緣萍蓬各寄跡我來君不歸仍自勞行役窺鏡  
驗鬢絲對月酬吟癖徘徊庭除閒寂寞感今夕秋氣爽襟  
裳清芬滌肺腑舉酒攄遠情仰看夜天碧同志世少儔古  
道良堪惜宵深人未臥詩就漫題壁

投白站驛宿

沙路走迢迢溪流鳴咽山腹滄停雲涼影接原隰疎樹  
噪老蟬斷碧隔呼吸微雨過叢篁雨止葉戰濕向夕投驛  
來稅駕脫塵笠當窗晚桂香徙倚空庭立月色溶溶清露  
氣沾衣褶境靜未成眠夜蚤向人泣

過名山縣

白霧濕空濛將辰猶未醒蒼茫到縣城霧退日搖影入郭  
聞茶香家家踏茶餅業勤生計幽西風吹戶靜

雨宿榮經縣

雲煙萬竈絕無塵生計居民在一春待得西風吹落葉秋  
冬閒殺采茶人

陟相公嶺

昔年曾蹈嶺之巒每逢雨雪侵襟寒今朝復向嶺頭過風  
日清明暢所觀掘衣重拜武侯廟儀容如故軒堂殘綸巾  
羽扇儒雅在氣概猶可驚曹瞞門外猿猱對我笑笑我垂  
老親征鞍閒雲一縷踏足下秋光渺渺何其寬前賢曾畏  
九折坂我今髮白興不闌仰天大叫登絕頂浩然又下三

八盤

入冷雲溝

人自冷中入雲從溝裏來終朝冷雲聚終夕不能開雲影  
亂人影卻喜無塵埃人隨雲共去冷氣積蒼苔

中秋日陟飛越嶺

征人忽又逢佳節奇險當前感蕭瑟連峯疊嶂青復青密  
樹周遭葉未脫去年此日升菴中蟾魄穿林皎如雪人從  
荇葉踏玻瓈閒聽僧樓吹玉笛今年躍馬向西行高攀相  
嶺更飛越泉流遶磴轉折來山色巒光半天劃崎嶇跋涉  
不知勞人事參差誰料得浩歌馬上膽氣粗壯遊垂老豪  
無敵須臾騰蹕登絕頂下界煙嵐盡掃跡眼空萬象身御  
風影入雲閒何處覓喘定凝神眼乍舒遙見居民在咫尺

化林坪外動軍聲，向夕營門月華白。

泰寧營

薄暮投營宿，山空叫野猿。蠻中千戶聚，嶺下一軍屯。  
蒨藕呈筵饌，是夜雅州祥太守惠蒨藕弓刀挂壁門。那堪樽酒畔，對月客消魂。

冷磧

茅屋橫沙磧，人家冷氣多。荆枝滿巷口，牛跡散巖阿。地碧滋苔蘚，山青挂薜蘿。蕃民生計拙，朝夕誦彌陀。蕃俗多尚佛教  
連夕陰無雨，今朝晴有風。隙駒晷漸短，卸馱日初中。山行過則無宿處，日行僅六十里蕃果山桃熟，秋花溪蓼紅。關情臨眺處，唧唧感鳴蛩。

渡鐵索橋

昔讀桑欽經略知大渡水源發西徼西流入氐羌裏瀘定  
以地呼實爲大渡耳上下名不同地異水卽此蜀疆多尚  
竹索橋松維茂保跨江饒幾年頻陟竟忘險微軀一任輕  
風飄斯橋鎔鐵作堅鍊一十三條牽兩岸索重十萬斤巨木盤  
根繫鐵重橋亭對峙高雲漢左冶犀牛右蜈蚣怪物鎮水  
駭龍宮洪濤奔浪走其下迢迢波際飛長虹橋長三丈石碑石  
穹窿耀宸翰輝煌金碧崖閒燦橋東偏恭立康熙四十年御製文碑白  
馬青衣日往來低頭不敢閒瞻玩規模宏壯足大觀層層  
棟柱圍雕欄驛傳烏斯內外藏去回無復違驚湍我今奉  
檄緝羣盜嘯倚商飈恐落帽攜書擔劍橋上過乃取鐵橋  
爲近號

宿頭道水瀑布下

山坳出流水百尺挂飛瀑噴騰響震天聲若獅子叫寒光  
灑急雪或怪珍珠跳入座閉目聽一洗心煩躁終夜不成  
夢神氣多被耗造物太好奇故遣波傾倒惜哉名勝地乃  
結西南徼

打箭爐

百雉邊城矗碧霄中穿一水過迢迢入關藏罽裘何富出  
口官茶稅頗饒爐口歲征茶稅錢一千八百萬北轉山形隨地壯西來佛  
法倚天昭此行莫謂身經險垂老遨遊氣倍驕

謁郭將軍廟有序

打箭爐北城內有郭將軍廟耆舊相傳武侯征蠻時將軍  
郭達駐此造箭一夜成三千枝爐城之名因此而得今山  
崖閒爐跡猶存將軍之神至今保障一方故立廟云

將軍生季漢遺廟在西川一夜勤名著千秋政績傳儀容  
震草木俎豆響歌絃民不忘公澤豐碑頌德鐫

多折山

巍巍岡嶺高嶮嶮谿徑別登陟轉紆迴緣命曰多折昏夜  
作雷雨曉山積微雪氣候內外殊時在八月節我興導其  
閒崎嶇形凹凸草無樹亦無中結金銀穴雲霧衝馬首蟲  
豸鳴石闕流泉汨汨來聲激何清冽晨風冷襲人西域地  
偏絕吟詩乏佳音慚愧余才拙

高日山

陟彼高日山山勢危且盤其巔平更廣絕少峯與巒離離  
秋草綠颯颯秋風寒望裏無一樹不見霜葉丹坡多蒼白  
石娟潔如素紈露土痕纍纍拾之秀可餐山南有蕭寺梵



鳴聲出壇西來躋此阜近天拋雙丸

中渡驛

鞍馬勞人習行行夕照浮幾兵屯古哨一佛住高樓瀑水

懸崖處

中渡口有瀑布

黃花絕域秋

是日見黃菊

此閒洵要害形勢控

西疇

渡鴟隴江

江即弱水

洶洶徼外水乘經舊名弱浩波穿山來渾沌誰開鑿源發  
西北垠千里難束縛流經三瞻對到此逼山腳再過寧遠  
界狂濤自驚選下注會理疆匯入金沙壑我昔趨鹽源曾  
向此江泊今復歷中渡駭浪勢相若扁舟翦江過曉風吹  
不惡危磯喧浪花陟險情亦樂

蕨荻沖

山高暑易移樹少雲不走騎塵向夕陽問時已入酉蕃民  
十數家茅茨列沖口稅駕人影亂迎門吠老狗炊煙上棘  
籬野花放墻右寒鷗寨前啼蒼鷹屋後守入夜燈火搖有  
客頻呼酒秋風透戶來微吟感白首

翦子灣

翦子灣頭羣盜橫先時特爲駐防兵我來捕賊從灣過風  
捲旌旗雪又生

火燒坡

從來野火慣燎原此日蕃兒射獵喧望裏延坡秋草綠草  
閒蝴蝶尚翻翻

裏塘

近望平如掌荒原十里寬煙嵐周四境金碧煥層壇草短

牛羊聚秋高風日寒勞人窮遠界壯志亦云殘

空谷何時闢山環似繭窩地靈恆降佛格宗伽木簇達拉刺麻拍巴呼圖克

圖遮布尊丹巴呼圖克圖諸活佛於雍正候冷不生稞塘裏

乾隆間先後降生於裏塘宜撫司土寨不產稞麥小市居民少叢林僧宇多此閒無古弔渺矣

漫吟哦

西去稀人跡東隅有廢城梵天雲擁白羌域雪爭明俗悍

頻聞盜附近裏塘之瞻對插牙途荒特駐兵裏塘分駐換

各一員防飢烏喧落照仗劍聽秋聲

從來西徼外雨霰浩無垠一日陰晴數千峯顯晦頻狐狸

當戶嘯魚鼓繞樓巡甕酒還須嗜蒼顏自覺春

贈芥舟秀才有序

秋仲有西徼瞻對緝賊之役枉邀芥舟秀才同往由成都

歷打箭爐出口偕行兩旬甫抵裏塘朝夕相依飲餐共處  
上下古今無不談議懷抱爲之日廣學業爲之日新垂老  
喜得益友爰賦詩以贈

昔聞先生名才高法家術跡共錦官城三年寤言失今秋  
賦長征枉約丹徼出驕馬嘶西風偕行二十日丰神迥不  
羣性靈露眞率雄談天下事如泉流汨汨或喜或嘯歌或  
怒或呵叱志意同乳水臭味類膠漆相見雖恨晚何幸獲  
貞吉慷慨塵埃中萍合誰能必蝓蛸聚糞壤蘭蕙含芳室  
結交戒三損取友樂有匹茲來荒僻岑持躬在無逸感此  
雨雪窗挑燈夜話密

業白寺樓居寄王廷和觀察

未能寂靜坐蒲團倚劒時聽畫角殘一夕懷人錦水畔層

樓疑宿白雲端茫茫夜雪千山凍颯颯秋風四野寒我與  
髯翁經月別近來消息定彈冠廷和奏權  
松州觀察

九日偕時若觀察業白樓登高

驚心時序柰頻催業白樓高倦眼開人別黃花吟社冷謂

菴中山無紅葉雁行來襄陽四卻憐異域成長會莫說萊

莢可避災慣著戎衣憑險阻籌邊不上望鄉臺

得顧襄臣書竝詩次韻以荅

薄宦天涯老鬢絲垂髻交每感相離數行書說當年事一

首詩傳近日思我愧竟虛三徑計君才必遇九重知漫

言沽上題襟會落落晨星哭澹宐謂心毅  
先兄

秋夜得淳兒都下書感成長句

西風颯颯夜正午都下書來急啓戶燈下開緘指眼看家

事細碎何足數惟說園林異早年又說祖墓似半古雖然

五患不相侵遲恐陵夷不忍睹讀此如何不痛心雙淚潛

潛若春雨屈指拜別十三年自丁亥秋拜掃入蜀後缺我

躬添墳上土岵岵音容漸渺茫愧慚子職竟何補賴汝今

夏補朝丙申秋寧兒以俸遷越州緣奏雷造烝嘗

俎豆忙中舉回思襁褓作兒時疴癢飢寒感育撫老大西

南浪宦遊蓬婆連歲隨軍伍今秋滿擬可歸田濫竽又登

士師府今夏五月蒙恩擢授蜀臬身無羽翼滯天涯霜鬢蕭蕭六十五

西域弓矢歌

蕃弓彊蕃矢短簫策聲中秋氣滿筋弦角背硬難開竹篠

雕翎材入選鋒鏑刃利透肌膚沙場頻見旌旂卷射人射

馬百戰酣四野橫屍血濺眼我今腰矢復挂弓不願從軍

願攜鷹與犬黃羊斑鹿任意追挾矢彎弓馬逐遠蕃兒拍  
掌呼蕃僧亟稱善道是文臣之技不可限

裏塘送秋

重逢秋色約來年詩別殘宵寫藏牋短榻裏羶僧定夜孤  
檠照雪微西天眼前筋力差疆健夢裏吟聲半入禪絕域  
竟成娛老地頻頻捕賊駐羌邊

置牛酒送將士赴察馬所捕賊

瞻對當年縱羣盜曾經大將破其要三十餘載烽燧冷於  
茲罕識風中蠶今年寇賊更猖狂羌地爭傳察馬號劫殺  
麻塘梵唄僧焚燒壇殿橫騰趨我爰奉命討賊來檄調  
蕃兵力齊効熟籌良策一戰收千里驅馳運神礮裏塘土  
舍才偉奇指顧雄威勢輕剽撐撐慣剝死人皮挾弩持弓

願圖報旋看大叫捉賊歸  
申令典刑飛入告捲旗振旅  
擁兵還從此昇平靖邊徼

裏塘郊坳散步

十月邊徼寒樓棲寂無慮乘興出郊坳披裘一散步浩渺  
俯仰閒零落獲野趣短草殺嚴霜悲笳起孤戍近嶺拖淺  
烟遠岫橫輕素境荒人跡稀沙冷獸蹲路日夕號狐狸蒼  
鷹天際顧搏擊下層霄豈容走狡兔我兵視猶鷹彼賊窟  
稱固隆冬駐疆場忍喘詠詞賦

地氣惡劣居人多氣喘不息人

藏紙

蜀紙遜豫章工拙奚足尙結胎多糟霉嘲誚實非謗既失  
蔡侯傳更乏涇縣匠錦城學書人握筆每惆悵孰意黃教  
方特出新奇樣白搗柘皮漿簾滌金精浪取材徑丈長約



金京書生詩卷之二

寬二尺放紙長滿丈闊二尺四五寸質堅宛繭練色白施劉亮澀喜受

險麋明勿染塵障題句意固適作畫興當暢裁之可彌窗

綴之堪為帳何異高麗楮洋牋亦復讓形似高麗紙而薄西

亦相似國家盛聲華夷夏歌蕩蕩佛國技藝能無遠不籌

創東土應誇觀頌美烏斯藏

### 冬夜不寐

仲冬晷極短度夜如度歲挑燈讀我書便是生涯計老人

酣睡無兩日撐不閉高臥聽漏聲悲懽心互遞

裏塘緝賊事畢回成都值淳兒自都赴任滇南請

### 假由蜀

籌邊十載逐峯嵐自兩金川及果羅克茲今瞻對之役余事邊共十載矣汝自都回

我脫驂萬里往還仍劍外淳於今夏自蜀赴都一州風土屬滇南由

來家室常如寄此去關山盡未諳日後離思尋舊夢看花

猶喜近升菴

金川之役淳兒以宣賓令調辦軍需因隨余館成都護國寺右升菴之築在焉其地去泉

遠署不

銅鼓書堂遺稿卷二十三終

男淳孫

樞林校刊

銅鼓書堂遺稿卷二十四

宛平 查禮 恂叔

庚子

元日桐陰廳試筆

吾年六十還加六元日詩多在異鄉錦水春回初試筆桐  
陰廳靜細焚香論才老愧提刑任識字兒鈔急就章城北  
城南絲管裏梅花何處不含香

天妙閣懷顧晴沙觀察

天妙之閣居響泉

晴沙號響泉前權蜀泉  
因題內署爲天妙閣

值余雪徼遠籌

邊往返成都作權聚折簡頻開翰墨筵閣中刻燭醉且醒  
同人卽席吳與燕賦冊爲考蘇髯蹟洞庭春色擘錦箋侵  
尋寒暑忽幾易凱歌共奏平金川自此歸心云浩浩放懷

高據峨眉巔遊山興盡窺三峽遙歷荆楚隨江煙囊無長  
物片帆穩筆牀茶竈書滿船歌聲激水出金石到家自壘  
梁溪田江東步兵良可擬自我不見今三年我今攜家居  
此閣微吟向夕倚燈前有唱無和酒獨酌空教春色入新  
篇

自遣

垂老光陰指一彈浮生那得夢求安但期自立爲功易不  
願人攜報德難世上豈無珍玩好匣中惟有蠹書殘閒情  
多少憑誰託香草何妨獨佩蘭

寄懷陸赤南丹陽

君昔歸丹陽吾方駐青海離思夢梨花

丁酉二月赤南歸時升菴梨花盛放

而余方自松岡出果羅克

卻比尋常倍于役了北征回首升菴在興懷

每作歌未覺吟情怠魚書兩次來寒暑已累改遙知曲阿

南珥陵山意美

赤南首號珥陵山人其故里也地實無山

高人幽在心胸中無

碑礫何必千仞岡但詠滄浪水前期蜀再遊我仍懸榻待

竊恐近橫塘有田擬甫里

唐張祐於丹陽橫塘有田三百餘畝見甫里集

自從唐

以還豈絕天隨子牛有幾多蹄農有幾多指羨當畚鍤餘朱黃發妙理其精概可傳聞遠必自邇應逢皮日休社結

松陵士

### 賞春

東風吹柳線錦里喜時和白首同心少青春過眼多泥新  
巢燕跡雨醉海棠窠幽意憑誰遣含情獨放歌

### 小飲

寂寂春陰處窗前日影遲偶然思小飲聊慰落花時

送春

不見舊游人風花亦自親吟偷忙裏暇愁送老來春幻景  
晴還雨離懷夜復晨來年如再會未必減精神

初夏

入夏景堪裁呼童進舊醅近歸塞雁盡遠見雪山開沃野  
風初暖岷江漲欲來催詩還待雨薄暮動輕雷  
新篁抽嫩葉紅藥映空庭覆砌桐陰綠窺簾草色青乞書  
臨米帖補注展茶經更有消閒物依依鶴立形  
聞說都江水盈盈稻田因思荷芰發最好浣花邊柳  
蟬初噪橙林鳥代絃薦新風味別惟有荔枝鮮

午夢

午窗晝乍永小睡展桃笙關山勞我夢夢至角飛城城中

年少多不識欲話鄉情仍默默門前流水彷彿昔年聲  
花開花謝都是舊時色

刑名三首

刑政屬秋官掌於大司寇園土居罷民其網疎不漏教善  
使自彊從新以革舊不改而後殺方可表仁覆臯陶執法  
嚴犯者必窮究好生德體天古聖每三宥

粵稽蚩尤刑極黥與劓刑唐虞存其名而未有其罰因知  
肢體戕所辱甚於殺立法如寗深一陷不可拔人孰非良  
民是以貴能察今求省刑書律嚴例毋忽

收孥與赤族漢魏竝遵秦徒流繼笞杖李唐爲近仁顧思  
三章約善於五等申輕重固有由是非亦有因名實慎在  
上枉直詎在民一人向隅泣滿堂俱悲辛維彼獄吏尊囹



園作陶鈞

盛世導以德期將恥格臻先須陽教讓更須陰教親儀辨  
俗自安刑中民自新

暑夜

羽扇風生白鶴翎桐陰頗勝綠莎廳座中滅燭人窺月葉  
底藏煙自照螢酷暑最宜涼近水罷民深憫苦拘囹何能  
一體隨閒散夜半無妨枕席寧

移榻橫階睡未能邗堪几上簿書仍漫思絕徼千峯雪分  
得深山六月水滌慮聊憑詩作海清心安用酒如澗兒童  
爲我呈瓜果無齒難欺軟角菱

自成都入都

劔南十四載一半在遐荒頭自雪山白蹤諳塞草黃今秋

返故國昨夢已家鄉險勿愁雲棧崎嶇我備嘗

棧道卽景

秋雲薄薄馬頭生行色忿忿鳥道迎烏自低飛崖際掠牛  
能側足壁閒耕野花隨意開巖岫客店招人雜楚聲秦蜀  
嚴關今洞達從知守險不須兵

蒙

恩旨補授蜀藩時禮方展墓卽於墓廬恭紀

七烈崇榆堡

榆堡祖塋也昔崇正開禮祖居在阜城門內甲申三月之變曾祖母周太夫人率梯張以

下六人殉節焉夫人墓在榆堡並有七烈祠

三河接

帝畿

三河百草溝禮父母新阡在焉

松楸已漸古霜露自常晞寂寞荒秋

草蒼茫倚夕暉久疎因宦跡遠隔失瞻依念竝觀光切欣  
從入 覲歸蓼莪經廢闕宰木寄歔歎拜起差彊健徘徊  
未忍違 九重恩詔下一騎蹴塵飛任愧屏藩重身慚寵

祿肥功名期後效感戴免前非自問良知足人言敢妄希  
於茲追祖德慎以嗣芳徽

自都回成都畱別諸友

傳驛兼程發無言別路賒都中翻作客劔外老爲家鴻雁  
隨風急雲山滿眼遮前途回首處應見雪飛花

成都除夕

六十六又了轉眼六十七老年惜光陰一日抵十日旣無  
揮日戈更無養生術檢匣有殘書開箱有秃筆漸嗟業就  
荒慚愧官增秩往事不可畱來事未可必際此歲云除銜  
杯時在戌

辛丑

元日寄淳兒雲南

時淳兒以直隸武定州權雲南郡守

辛丑年初一成都簫鼓喧人來稱上壽我坐默無言德薄  
羞垂老才微怯遠藩銀章託庶富玉燭在調元  
別吾踰一載吏治近如何候氣因春暢驚心去日多老愁  
判牘誤遑暇校書訛尚復白圭句無言玷可磨

寄懷吳冲之學使武昌

昔年采風歷劔南今日輪軒駐湖北心託雙鯉隨川流相  
思豈等尋常憶憶君學飽詞吐華圖書何止三十車遙知  
朱黃點竄處丹樓照耀燦如霞愧我微吟搔白首句頗如  
人老更醜惟感光陰若擲梭偷閒忍放卯至酉一生蹤跡  
柰徒勞空羨青雲位置高還應贈我江南曲曲終如聽松

江濤

冲之松  
江人

關藩署後荒徑

關徑開茅塞心胸頓豁然因知荒僻處隨地有良田  
有水宜池館因園想草亭擬看消暑候松竹雨來青

蜀中民事歌十首

天府之國稱沃野水發都江疾於馬溝澮皆盈好插秧千  
里平疇隙地寡終古農民感李冰稻粱不待時雨灑年豐  
時泰清醪香槌鼓鳴鐘賽秋社

魚鳧之地教以漁漁菴漁具笠澤書據書考具此尤怪水

烏水獺聚族居截灘大網長十丈張口可入吞舟魚俗名口袋

網下網處必插標爲記恐行舟誤入其中年來魚少漁者多盡言魚價倍當初

蠶叢之地教以蠶村娃斫桑盡力擔時到再眠樹已禿蜀中

采桑必伐其條門前惟見柳毵毵食葉聲寒如驟雨老蠶作繭懶

蠶慙浴繭成絲蠶死苦只嫌絲少人心貪

徙蜀之民今擾擾深山長谷安億兆人煙稠密事饗飧家  
家燒樹不燒草樵子如猿或如猱遂令羣峯無木杪近聞  
煤廠頗資生急教種樹利非小

蒙頂之山茶所產錫貢由來有常限蜀西而外遶岷山

水有龍溪岡巉嶮雜樹茸叢出旗槍焙煙十里春迷眼牛

羊之乳賴調和諸土境煎牛羊乳為食必和以茶貨易還堪走雲棧

簡州之土宜紅花顏色新鮮染物嘉年年四月花可采最  
忌陰雨忌風沙客販盈城爭納稅緡錢計數凡幾車花不  
可食色可衣無濟飢寒聊汝誇

金沙之江金所生川北川南竝有名江水盈時沙岸崩水

落石出窮民爭沙岸圻處則下流有金淘者視此為準木版金牀齒如鋸汲

水揚沙費經營積少成多自毫釐商賈容易操餘贏

茂州之蠻有絕技碾不須牛憑活水

全蜀皆用木碾然稻非茂民作之不善

熟登場操具來顧盼沙灣竝沙觜平置輪盤輻輳堅疾轉

如風雷駭耳木牛流馬未足奇乾道不息得至理

社倉之法推自古宋鬻廣惠民何補常平穀價無減增因  
時采買量鄉戶偶逢歉歲升斗需老弱還欣腹可鼓奸胥  
猾吏利輸將安知粒粒皆辛苦

文翁之化尚足徵豈無文獻可竝稱教育人材

盛世事玉堂石室今須增博士弟子歸山長朝誦夕講業  
堪憑品行端方風俗美富貴勿羨相如能

自述

物我皆自若天地兩悠悠日月感居諸會無片刻休青山  
有老時人能不自頭胸懷本坦然轉念便生愁我來竟何

自我後復何修形骸寄造化精竭神難留賴此微吟意聊  
用結綢繆安得淳樸味老似韋蘇州

亦園十詠

有序

成都藩署後舊有園址荒已久矣余蒞任後芟蕪滌穢捐  
資構堂以及亭館軒廊爲暇日遣興之所雖未備園林之  
勝亦居然園也以亦名園復於各所識以四韻  
夏屋能容物余情亦自怡豁然如有會洞達更無私闕地  
開三徑良辰適四時就中供遣興避暑最爲宜

右怡情育物之堂

池如新月影蘋末不生風館砌階三級泉環地數弓偷閒  
心自定玩物慮皆空流水援琴奏知稀曲未終

右不波館



不波館外渡小艇似鷗閒亂蓼垂千穗平橋鎖一灣澄懷  
空寂寞幽境絕塵寰野趣茲堪借悠然雲水閒

右紅蓼橋

種山亦自峭上可結平臺啜茗迎涼坐吹簫待月來奇峯  
由我作古木幾時栽蠟屐還能著攀躋孰與陪

右種山臺

蕉大皆成樹分行結綠陰天光到此別亭午色逾深喜得  
清涼地機忘舒卷心不堪畱夜聽風雨暗相侵

右小綠天亭

月上初更候檐愁接葉遮構廊因避樹當檻卻依花剪燭  
評詩話移鐙著雪芽待看秋菊放猶足鬪詞華

右依花避樹廊

築土因成塢栽花不盡梅連牀書接屋間字客分杯古意  
良非腐初心老未灰夜凭烏漆几白髮羨燈煤

右花塢校書房

一徑隨灣轉涼陰似早秋竹深能卻暑草細竝增幽習靜  
頻移步徘徊當遠遊此中人不見何必更登樓

右引涼徑

萬个修篁裏閒情日與俱亭空宜置我坐久欲忘吾卽此  
爲吟伴還堪作杖扶時來好鳥集日暮不棲烏

右此君亭

松古枝凝翠當軒迴絕塵記中分馬鬣書就見龍鱗清籟  
風生處翻飛鶴舞頻歲寒閱已久樹必我前身

右接翠軒

蜀鹽

鹽花白似雪鹽塊堅如石爲商家百金鑿井深千尺不知  
山谷中何通海水脈修綆牽竹筒豈等煎潮汐蜀之鹽井口推蓋大  
上下皆同深者至百有餘丈取水用牛車引綆繫以竹筒工費利微概可知矣萬民資調羹百川  
走買客頗防私販行重任嚴關責共說下夔州於利倍所  
獲舟人捨命爭此弊何年革

淳兒自滇南潛兒自粵東以繼母憂來成都

迢遙滇粵路途艱離合悲歡共此閒宦歷五遷貧莫怨妻  
經再娶老仍鰥家尋故址無存瓦囊之餘資更買山扶櫬  
歸時江水落峽猿啼處下夔關

壬寅

元日書懷

六八之年不爲少官居方伯不爲小劔外今看十五春

成子

春初至成都

雪徼蠻荒徧探討

天威遠播息臣躬頻年未出魚通道時和世泰景象新豐

亭無用焚香禱

聖主恩深報豈能勉策驚駘敢云老惟慚守拙性已成爲  
功轉笑春風巧錦官城南十里香爭放梅花何草草吟詩  
問比花如何獨向晴窗酌清醪奚奴爲點囊與瓢滿貯雲  
山舊來橐驅回奇險詎驚人愧乏好句徒懊惱憶戰羣英  
歷詞壇雖逢元白須壓倒少壯之時膽氣粗及今反覺歎  
幽抱學境如斯仕亦然接物畢竟眞爲寶勞勞名利古誰  
存只有青山青不了

亦園春日感懷

樹中啼鰥鳥池面遊鰥魚驚心莫不鰥緣我一鰥夫看花  
少竝蒂枝無連理株雖有松竹翠其如老梅驪昔我前妻  
亾時我顏尚朱今我繼妻故而我顏亦枯前者兼事翁繼  
者僅事姑所嗟娣代姊辛勤撫乳雛繼室係前妻李夫人之妹何未三  
十年死生乃殊途榮華本幻境富貴竟何圖春色不知愁  
徘徊晝欲晡

憶刮耳崖小築

昔破金川賊覆巢險崖刮耳下潛蛟屯田絕域犁翻雪撫  
衆蠻荒屋結茅地費躊躇緣土瘠蹤思出入剩堂均年來  
聞說移風候春色宜人上柳梢

各土境有饋生熊虎豹鹿者歌以誌之

熊之爲物謂能火形如猿狀狀么麼脣紅毛黑雙睛黃掌

平指活頭蓬顛氣巖性躁刻無寧有時閒亦爲彊坐健兒  
走捉自遐荒一旦身被樊籠鎖熊兮無辜我未忍殺之且  
給肉食毋憂茲困珂虎之爲物威從風踰溪越嶺羣山通  
一嘯木石爲震動百獸俯伏俱潛蹤誰歟雪微設筭檻負  
岵之勢頓以窮爪牙猶枉威莫展低首乞憐犬亦雄虎兮  
無辜聊爾置於柙與汝作伴欣有猩猩熊豹之爲物德在  
隱元文和霧寒能忍金錢艾葉黃白殊浪坂之青最精蘊  
程生馬見天瑞篇名實多乖供一哂山林深密足逍遙蠻  
奴恃力縱鷹隼豹兮有情用參革卦占君子之變庶乎衆  
所允鹿之爲物品列仙我昔曾與結良緣余昔有鹿一名曰飲雲自  
居官但攜鶴去取隨時情非偏賄懲有齒汝有角況復麀  
尾用求全生置於林調已熟鳴自呦呦情誰憐鹿兮有情

且喜馴可馭遲當騎訪名山隨雲煙

亦園首夏

開園追好景春去落花遲適我清和意欣逢首夏時叢篁  
青解籜荷葉綠盈池卻少分杯客臨風醉和詩

錦城南郊

望去草萋萋薰風拂柳低眼迷千野馬耳察二天雞鄉思  
孤雲北遊心落照西錦城郊步熟遙指浣花溪

午日喜陸赤南自丹陽來

六千里外故人來恰好端陽酒在杯憶別遠思青海上海  
期重聚錦江隈鳥邊舊路無須問囊裏新詩尚可裁西蜀  
東吳忽五載爭教白髮不相催

亭上納涼與赤南分韻得青字

竹高風細酒初醒暑退黃昏月滿亭惟我自慚髮最白此  
君相對眼同青亂浮螢火如星影旁引松聲作雨聽莫道  
居官真不暇偷閒還可注茶經

六月二十五日聞鹽亭水發檄潼川沈莘田太守  
往視民居莘田就道後馳以詩示

今夏靈雨殊太甚雲深難補漏天滲江流泛濫使人愁夔  
與罔象何能禁崖崩岸坼處處同田疇望訝波濤浸究源  
未識災所由無乃同官不勝任昨聞大水發鹽亭無溝無  
壑無沙汀入夜羣驚洶湧勢如擊鼉鼓海上聽居民土銜  
炊煙滅城中一霎滿魚腥駭我忘餐更廢寢不知果否此  
情形特遣賢守減騎從星馳幸勿稍緩鞚道塗泥濘固難  
行柰彼村墟歸澤洞溺者須援飢者賑非徒觸目爲嗟痛



倘或乘舟驗蓬廬豈忍遲隨歟乃弄余方立待失所安眼  
底恍若接波瀾雨聲不絕卯至酉衣欲袞綿濕生寒念民  
無辜曷遭此撚髭竝斷增長歎庶體斯情膺重託臨詩莫  
作尋常看

早秋亦園與赤南飲不波館卽席聯句四十韻

雨霽秋光早

查禮

園林位置高開筵非爲酒

陸炳赤南

索句乃投

桃君喜窺三徑

禮

余情怯二毛遠遊頻感舊

炳

卽境未蕭

騷靜見文心古

禮

粗憑意氣豪年華驚暫爾

炳

歌嘯任吾

曹吏孰山中隱

禮

禪誰席上逃清樽宜待月

炳

池館似臨

濠香蓼侵斜照

禮

殘荷覆小舸竹陰堪淺釣

炳

水戲弄輕

篙健舞來雙鶴

禮

揚聲自九臯蛙喧爭和急

炳

鷗泛憚形

勞閒趣尋常得

禮

歡娛適所遭果肥垂橘柚

炳

魚美勝江

整傷石欄杆穩禮爲山結構牢幽探疑島嶼炳狂想跨鯨

鼇閣筆還拈箸禮行廚尚奏刀選詞徵雅詠炳引盞醉芳

醪交誼無虛假禮功名有潔操是非明黜陟炳方寸愧

榮褒燭影搖空翠禮松風鼓晚濤花箋須更擘炳白首不

勝搔拙用歸淳樸禮機緣戒桔槔養真憐寂寞炳偷空避

塵囂跡憶磯巖險禮烽餘載矢囊迢遙逾大渡炳非比濟

臨洮夢駭猿猱躍禮帝憎虎豹嗥田屯新壁壘炳血洗舊

腥臊幾處營存柳禮羣思將建旄今方嘶牧馬炳久不著

征袍老眼違千嶂禮雄懷閉六韜屏藩膺禮寵錫炳沃野

卹民膏業頗安耕鑿禮飢能免叫號毋庸言伋伋炳竊恐

耳嘈嘈和味鹽惟井禮謀衣絲可縑谷應教黍稷炳峽不

產鱸魴橙樹供樵採禮金沙逐浪淘村墟屋徧阜炳商賈

米連艘舉帟翁名醬禮遵經字廢饒政優百祿聚柄詩勁  
短兵鏖禮

畫梅寄晴沙觀察

懷人不復倚升菴想到梅花興倍酣我畫折枝憐錦里翻  
因驛使寄江南

題赤南驪泉續志兼荅重修忠州陸宣公墓卽以  
送別

宗系由來陸氏精江東大族漢有名大中新語高帝驚首  
言仁義銷甲兵光武御天見陸闕鳳凰甘露瑞頻呈孝哉  
智初稱獨行克昌厥後振家聲孫吳將相俱豪英金貂六  
葉晉簪纓文章冠世推士衡雲閒挺秀弟與兄齊梁美士  
尤盈盈著作才多煦及瓊十八學士唐德明一時爭羨同

登瀛相高族望咸公卿何當魯望偏躬耕宣公學術邁賈  
生不負天子秉忠誠貞觀之治無由爭聊以全生憑陽城  
謫向忠州寡所營客死何知故鄉情山陰後裔竝崢嶸朱  
門繡戶連雕甍支分派別居地更綿延兩浙屬編氓錫山  
曲阿連理榮不同宗廟同祝祊遠稽舊系唐史清古志驪  
泉那復評藜軒赤南號技癢試一鳴琳琅珠貫何晶瑩氏  
族興衰宋始輕紛紜世胄無章程足多學識二難并光前  
裕後獨舍宏壬寅持此就長征成都脫駕續前盟我爲讀  
之不轉睛果信門風松柏貞吳中碩德勝楚珩當年內相  
國之楨勸我及今修墳塋卻恐古穴竄狐魅還愁煙雨啼  
猩猩余當勉事須春正君且告祭潔粢盛且爲持牢備犧  
牲忠州此去有逢迎重君聲遠如雷轟旋穿巫峽浪匄匄

歸至丹陽霜熟橙開軒作餞喜新晴當筵一曲飛百觥

蒙 恩授湖南巡撫恭紀

如海

恩深溢 九重微才乃得顯時雍長沙闊際洞庭水南楚  
高憑衡岳峯壑遶湘江堪濟楫碑尋岫嶠待支筇家穿巴  
峽余登棧入 覲時應在杪冬

別蜀

劔南十六年官階歷五遷爲期半出塞親民淺良緣飯餐  
沃野米飲汲岷流泉清風餘兩袂囊空乏俸錢俸入非不  
厚衆情仰所捐分甘竝割少家惟屋數椽茲當辭杜宇得  
魚敢忘筌徘徊思故步拈毫寫蜀箋雲山舊滿目未陟峩  
眉巔幾番勞夢想何時藉息肩

十二月十五日引 見恩諭留京度歲

寶殿香濃臘月和臣蒙

天眷寵光多便留京邸隨春發免踏堅冰曉渡河

故里由來仰

帝京今年容慰 日邊情前程江水連湖水二月風光浪

正平

與淳兒樞孫夜話

雖乏舊田廬因貧得自如德慚官更顯時逼歲將除骨月  
情無已關山夢有餘夜深寒透幙回首憶生初

何事最堪聽書當貫九經余嗟雙鬢白孫慣一燈青業喜  
芹田熟心將泮水寧科名庸急就立品貴儀型

